

TE VEA NO TAHITI,

Te taata 'toa, e ere te Tavana e te haava, o tei hinaaro i te hoe hohoa o tei-enei *vea*, aufau mai ia e 3 farane no na avae etoru.

Faaau mai ia Tepito te nei parau i Papeete.

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha loa.

O te feia hoo taao, e te mau taata e haapao i te tau raa taao, e tia ia ia nenei atoa hia ta ratou mau parau faaite i roto i tei-enei *vea*, ia aufau mai ratou 1 farane no te remi hoc.

Faaau mai ia Tepito te nei parau.

PAEAU PARAU NO TE HAU.

Ua faatoroa hia o Miti Desaux, te auvaha rahi o te Tavana, ei auvaha no te pae papaa i tei-enei.

Ua faatoroa hia Miti Briot, te òè o te Tavana, ei hi ipoa rahi i niaiho i te haapao raa a te mutoi (polici).

Ua reva aenei te Tavana i Matuita, na nia i te pahi auahi ra ia *Phoque*, a moe e ai oia ra, e mono hia ia oia e te tomara ra e Leveque, te raatira o te manua ra o *Artemise*.

Haava raa a te mau Toohitu.

E te Tavana e Page e, te Auvaha o te Repupirita.

IA ORA NA.

Te faaite atu nei matou ia oe i te ohipa ta matou i rave i tei-enei mahana 13 no Tenuare 1853, te fenua i Atitiao, o Huai vahine tahi pae, o Tepihaupai hoi tahi pae, o Atitiao ta raua fenua i inaro; e tupuna to Huai vahine, e tupuna to Tepihaupai. Ua imi matou i to raua tupuna, e te parau a te mau ite. E ia hope i te faaroo hia, ua imi matou i taua fenua ra, e no Tepihaupai, ua ere o Huai vahine i tei-enei fenua, i tei-enei mahana i te fare toroa i Papeete.

Te faaite atu nei matou ia oe i te ohipa ta matou i rave i tei-enei mahana 14 no Tenuare, e parau haava raa ia Maiouma e puaa te hara, na Hiorima mai faatupu tei-enei haava raa, e ua haava matou i tei-enei hara pari, ua ui hia te parau a Maiouma e ua hope, ua imi matou i te parau a Hiorima ma, e ia hope, ite atura matou e aita i hara o Maiouma, aita loa i hara tei-enei taata o Hiorima i tei-enei ture, ua riro ratou ei mau taata hara ore, ua oti tei-enei ohipa i roto i te fare toroa i Papeete nei.

Te faaite atu nei matou ia oe i te ohipa ta matou i rave i tei-enei mahana 14 no Tenuare 1853, e haava raa na Mairuai ia Tematahiapo, e puahorofenua te hara, ua faaroo hia e matou te parau a Tematahiapo e ta te mau ite parau, e ia hope i te faaroo hia e matou, ite atura matou e ua hara mau tei-enei taata, ua haapao matou i te ture XX e te irava 7 no taua ture ra, e 40 tara, e 3 tara no te ino raa, e tapea hoi i te auri e ono mahana e utua ia no te Hau. Ua oti roa tei-enei ohipa ia matou i tei-enei mahana i te fare toroa i Papeete nei.

Te faaite atu nei matou ia oe i te ohipa ta ma-

tou i rave i tei-enei mahana 15 no Tenuare 1853, e parau fenua, i te fenua ra o Farepapa, te moua o Puarata e te marae o Aiatua, tei hopoi hia mai e Tepatua ia matou nei, o Tapuhaaira tahi pae, ua uihia ta raua parau e ta te ite e ua hope roa i te faaroo hia e matou, i te atu ra matou e ua ere roa Tapuhaaira i tei-enei fenua i Farepapa, ua riro roa ia Tepatua tei-enei fenua, ua haapao matou i te ture XXVI e te irava 7.

Te faaite atu nei matou ia oe i te ohipa i rave hia e matou i tei-enei mahana 18 no Tenuare 1853, e haava raa ia Opaino, Paroa tahi pae, te ra te ohipa i tae mai i mua i to matou aro e miti, ua ui matou i ta raua parau e ta te mau ite, e ua hope i te faaroo hia e matou.

I te atura matou e ua hape Paroa i tei-enei miti, ua imi matou i te ture XX e ore atura e au i te irava 4 no taua ture ra, ua riro tei-enei taata Opaino eitaata hara ore, ua ere roa Paroa i tei-enei fenua, ua riro roa ia Opaino; ua oti roa i te fare toroa i Papeete nei.

Te faaite atu nei matou ia oe i te ohipa ta matou i rave i tei-enei mahana 18 no Tenuare 1853, i te fenua i Fareava, tei hopoi hia mai e Taupapa ia matou nei. o Ehau tahi pae, ua faaroo matou i to raua tau, tupuna e te parau a te mau ite, e ia hope i te faaroo hia e matou. Haapao atura matou i te ture XXVI e te irava 1. Ua ere roa Taupapa i tei-enei fenua e ua hopoi matou no Ehau. Ua oti roa i te fare toroa i Papeete nei.

Te mau Toohitu.

Papaiaha: TAAMU, OTE, HAEREO-TUHI.

TAIRAPA, peretiteni.

MARE, auvaha ture.

VAHA, papai parau.

PARAU FAAITE

Ua tarahu te taata papaa ra o Lucas, o te parahi i Tairabu, i te taata tahi e rave rahi i roto i vetahimau mataeinaa, ei auau i te puaa-toro i nia i te mau moua i Tairabu.

Te faaite nei au i te mau tavana no te mau taata otei tarahuhia e Lucas, e eiaha ratou e tapea i taua mau taata ra: tuu atu ra ia ratou ia haere na ia rave i ta ratou ohipa no te auau puaa-toro: no te mea te hinaaro nei te hau i te puaa-toro.

Te òè o te Tavana,

Papaiaha: BRIOT.

Te para. no ALI BABA e na eia e maha ahuru.

Iciti hia mai no roto i te mau aamu Arabia, i parau hia e, o NA PO
TAVATINI E MA HOE.

*Haamata hia i te Vea no te mahana 16 no Di-
tema 1852.*

Hoi maira Moziana, aore ra oia i tomo i roto
maori rā ia tae mai te orometua rahi e te mau
tahua. Toomaha tau taata tupu tei afai i te piha i
nia'i i te taponu, te pee raa tu i te orometua, te
pure noa ra ia e tae roa tu i te tanu raa. Mozi-
an, no te mea e tavini oia, tei muriha ia, aore
e tapoi o te upoo, te oto noa ra e te aue rahi,
mai te tupai i te ouma e te hutihuti i te rouru;
i muri mai hoi Ali Baba e te mau taata tupu no
reira iho, e ua haere ua tauturu i te afai i te pi-
ha ra, e ua hoi maira o Magiana e na taata oro-
metua' toa, o tei haapao hia ei tanu i te feia po-
he, Na na taata tupu hoi toomaha i amo i taua
tiapapau ra; e ma te pee atu i taua orometua
ra, ua afai roa, e te vahi tanu raa. Pee atura hoi
Mogiana na muri i o i taua tiaa ra, ma te aue
rahi, te papai i te ouma, e te hutihuti i te rouru;
e ua na reira' toa hoi Ali Baba, e tae noa' tura i
te vahi tanu raa.

Area ra te vahine a Casima, parahi noa' tura
ia i roto i tonaiho fare, oia e te mau vahine taata
tupu no reira iho, te aue e te mihi anae ra; o te
peu hoi ia i tei reira auotau.

No taua ravea paari hoi na ratou ra, moe roa
'tura te huru mau o te pohe raa o Casima, ua
manao hoi te taata' toa e, e pohe mai noaiho to-
na, aita roa' tu i manao noa' e e, e mea taparahi
hia.

I na mahana rii i muri ae i taua tanu raa ra,
rave aera Ali Baba i tana' toa ra mau taoa rii, e
te mau moni atoa hoi i rave hia mai e ana no ro-
to i te ana a te eia ra, e ua afai hua bia e ana i
roto i te fare o te vahine a tana tuaana; parahi
roa' tura hoi oia i reira, e faariro atura i taua
vahine a te tuaana ra, ei vahine nana. Aita roa
'tu hoi e taata i maere noa' e i taua faaipoipo
raa ra, no te mea, e peu rahi ia i tei reira mau
fenua.

E tamaiti hoi ta Ali Baba te haapii raa i te to-
roa hoo taoa i te fare o tehoe taata taoa rahi. I
tamaiti haapao maitai oia, e te itoitaiti i te haapii
raa i tona toroa. Pupu atura o Ali Baba i te fare
tahito i roto i tona rima, ma te parau atu iana e,
ia maitai tana haapao raa ra, e imi a ia oia i te
ravea e maitai roa' tu ai oia.

Maitai roa' tura hoi o Ali Baba i tona parahi
raa api. e vaiho aena ra tatou iana; e e parapa-
rau na i te haapao raa a te nana eia. I te hoi raa
mai ratou i roto i te ana, e i te bio raa e, aita ra
te tino o Casima, e ia hio atoa hoi ratou, e ua
pau te pute moni i te afai e hia, rahi roa' tura to
ratou hitimaue e te maere, e ua parau ihora te
raatira o taua nana ra e : a ! ua itea tatou, e ua
ino roa tatou i teienei; ia ore tatou ia faaitoitaiti
maitai, e ia imi i re ravea e ore ai teienei ino ra-
hi, e mahere teie atoa nei moni rahi, tei haaputu
maite hia e to tatou hui tupuna, e e tatou atoa
nei hoi, i te pau roa i te rave haere hia e te taa-
ta. I teienei ra hoi, o te taata i taparahi hia e ta-
tou ra, ua ite na ia tei reira taata i te ravea e
mahiti ai taua ana no tatou nei; te toe nei ra te-
tahi, e o ta tatou ia e tamata i te imi maite, tiai
hoi te itea' tu ia tatou; i ore ra hoi, ua pau roa
ia ta tatou moni. I teienei ra, eaha ta outou atoa
na parau, ua tia anei ia outou?

Faatia roa maira taua mau eia' toa ra i te pa-
rau a to ratou raatira, e ua faaau papu ratou,
e faarue i te mau ohipa' toa, a imi ai i tei reira
ohipa hoe, oia hoi ia itea te taata i rave i ta ra-
tou moni.

*Te mau pahi i tapae mai, mai te mahana 14 ma-
a no Tenuare.*

Tira piti Borabora o MARIE, tapena Brinefield, mai Huahine ma
Tira toru paia ia marite TIGER, tapena Gault, mai Vahi mai.

Te mau pahi i reva.

Pahi auahi manua o PHOQUE, tomana Bovis, na reva i Matuita.

FENUA HOO.

E fenua tei ATIHUE te vai raa. E taata tei
naaro i te hoo ra, e haere tia ia ia TIHO VAI
NE ra i Papeete.

Te eē no te Tavana : BRIOT.

